



Broj: PD-119/25

Sarajevo, 20. 3. 2025.

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
N/R PREDSJEDAVAJUĆEG

PRIMLJENO			
21-03-2025			
Organizaciona jedinica	Broj i kategorija	Redni broj	Broj prijema
01-50-1		764/25	

PREDMET: Poslaničko pitanje u pisanoj formi

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22, 59/2, 87/23 i 50/24) postavljam poslaničko pitanje zamjeniku ministra sigurnosti Ivici Bošnjaku, koji privremeno obavlja dužnost Ministra sigurnosti Bosne i Hercegovine, koje glasi:

“S obzirom da je Državna agencija za istrage i zaštitu upravna organizacija u sastavu Ministarstva sigurnosti Bosne i Hercegovine, da je prema članu 21. Zakona o ministarstvima i drugim organima uprave BiH („Službeni glasnik BiH“, broj 5/03) utvrđeno da rukovodioci upravnih organizacija koje su u sastavu ministarstva za svoj rad odgovaraju i ministru koji rukovodi ministarstvom u čijem je sastavu upravna organizacija, te da je članom 8., stav (4) Zakona o Državnoj agenciji za istrage i zaštitu (u daljnjem tekstu: SIPA) propisano da je direktor za svoj rad i rad SIPA-e odgovoran ministru i Vijeću ministara BiH, molim vas da odgovorite koje radnje i mjere ste poduzeli u slučaju postupanja direktora Državne agencije za istrage i zaštitu Darka Ćuluma, koji je podnio ostavku 19. 3. 2025. godine uz obrazloženje, koje su prenijeli mediji, da je tu odluku donio u skladu s protuustavnim zakonima: Zakona o neprimjenjivanju zakona i zabrani djelovanja vanustavnih institucija BiH i Zakona o dopuni Krivičnog zakonika Republike Srpske („Službeni glasnik Republike Srpske“, broj 19/25), koje je Ustavni sud Bosne i Hercegovine satavio van snage Odlukom o privremenoj mjeri U-7/25?”

Prije podnošenja ostavke, kako su prenijeli mediji, direktor Darko Ćulum je izvršio radnje prenošenja ovlaštenja unutar SIPA-e, a što nije uopće propisano članom 8. Zakona o Državnoj agenciji za istrage i zaštitu u kojem su sadržane sve dužnosti i odgovornosti direktora.

Nakon podnošenja ostavke, dana 20. 3. 2025. godine, prije nego ga je Vijeće ministara Bosne i Hercegovine razriješilo funkcije direktora, Darko Ćulum je održao sastanak u Banjoj Luci sa ministrom unutrašnjih poslova Republike Srpske Sinišom Karanom i direktorom Policije Republike Srpske Sinišom Kostreševićem, a koji su mu poželjeli dobrodošlicu u Ministarstvo unutrašnjih poslova Republike Srpske, što ukazuje na planiran i organiziran prelazak Darka Ćuluma u skladu sa navedenim protuustavnim zakonima i javnim pozivom Vlade Republike Srpske za preuzimanje radnika iz SIPA-e u MUP RS-a sa rokom 19. mart 2025. godine.

Navedene poduzete radnje direktora SIPA-e Darka Ćuluma su osnov za sumnju da je počinio krivično djelo iz člana 239. Krivičnog zakona Bosne i Hercegovine „Neizvršavanje odluke Ustavnog suda Bosne i Hercegovine“ koji glasi:

Službena osoba u institucijama Bosne i Hercegovine, institucijama entiteta ili institucijama Brčko Distrikta Bosne i Hercegovine, koja odbije da izvrši konačnu i izvršnu odluku Ustavnog suda Bosne i Hercegovine, Suda Bosne i Hercegovine ili Doma za ljudska prava, ili sprječava da se takva odluka izvrši, ili na drugi način onemogućava njeno izvršenje,

kaznit će se kaznom zatvora od šest mjeseci do pet godina.

Podsjećam Vas, da je Ustavni sud Bosne i Hercegovine, u predmetu broj U-7/25, rješavajući zahtjev Denisa Bećirovića, člana Predsjedništva BiH, na sjednici održanoj 7. marta 2025. godine donio je Odluku o privremenoj mjeri kojom se privremeno stavlja van snage Zakon o neprimjenjivanju zakona i zabrani djelovanja vanustavnih institucija BiH („Službeni glasnik Republike Srpske“, broj 19/25)...

Ovom Odlukom Ustavnog suda BiH privremeno se zabranjuje svim zakonodavnim, izvršnim i sudskim institucijama u Republici Srpskoj, kao i svim službenim ili odgovornim licima u tim institucijama Republike Srpske ili jedinicama lokalne samouprave ili bilo kojem organu jedinice lokalne samouprave, kao i službenim i odgovornim licima iz Republike Srpske koja obavljaju dužnost u institucijama Bosne i Hercegovine da preduzimaju bilo kakve radnje na osnovu Zakona o neprimjenjivanju zakona i zabrani djelovanja vanustavnih institucija BiH („Službeni glasnik Repbbulike Srpske“, broj 18/25) ...


Dakle, svako postupanje odgovornog lica, a što i jeste Darko Ćulum s obzirom da nije razriješen dužnosti, u skladu sa zakonima i zaključcima koje je donijela Narodna skupštine Republike Srpske, a koje je Ustavni sud Bosne i Hercegovine privremeno stavio van snage Odlukom o privremenoj mjeri U-7/25, predstavlja djelovanje koje je zabranjeno tom odlukom, a samim tim i neizvršavanje te odluke što predstavlja obilježja krivičnog djela člana 239. Krivičnog zakona Bosne i Hercegoivne.

Također Vas podsjećam na odredbu člana 230. stav (2) Krivičnog zakona Bosne i Hercegoivne kojom je utvrđena kazna za neprijavljivanje krivičnog djela od strane odgovorne osobe za koje je saznala u vršenju svoje dužnosti.

Molim vas da u najkraćem vremenskom roku odgovorite na postavljeno zastupničko pitanje.

S poštovanjem,

POSLANIK
PREDSTAVNIČKOG DOMA



Jasmin Emrić

Dostavljeno:

1. Naslovu,
2. a/a.